



UNIVERSITI
TEKNOLOGI
MARA

Cawangan Sarawak
Kampus Mukah



Inou Dengah UiTM Mukah?

5th Issue | VOLUME 1 : JULY 2026

UiTM *di hatiku*

BULLETIN



EDITORIAL BOARD

MEET THE TEAM

**PROFESSOR DR.
FIRDAUS
ABDULLAH**
Patron



**DR. ABDUL JABBAR
ABDULLAH**
Advisor

**MS. SITI FARIDAH
KAMARUDDIN**
Chief Editor



**MS. STEFANIE NATASHA
RICH JOSEPH**
MS. FAKHIRA JAFRI
MS. CINDY ROBERT
MRS. NUR NADIA QAUSAR JUHARI
MS. SHIRLEY CLARE JERI
Editors



**MR. MUHAMMAD
ANAS ABDUL
RAZAK**
Records & Archives



MRS. IRENE SELUROH
Layout & Design
MR. SHILEYUSKEN MIJEN
Webmaster
**MR. ANAS ASRAWY
PENDAPAT**
Photographer



**MR. ERICKSON GRAVESENT
MUZIDI**
Internship Trainee



Published by:

Corporate Communication Unit, UiTM Mukah Campus

eISSN : 2976-257X

Published Date : 7 July 2026

NEWS AND ARTICLES

Latihan Kebakaran Bersama KP Mukah Development Sdn. Bhd. Dan UiTM Mukah

Penulis: Muhammad Anas Abdul Razak dan Akmal Shafiq Badarul Azam

Pada 7 Mei 2026 yang lalu, satu Program Latihan Kebakaran atau *Fire Drill* telah diadakan hasil kerjasama antara KP Mukah Development Sdn. Bhd. dan UiTM Mukah bagi sesi pertama tahun 2026. Program ini bertujuan meningkatkan tahap kesiapsiagaan warga kolej kediaman dalam menghadapi situasi kecemasan, khususnya kebakaran. Latihan tersebut bermula pada jam 10.00 malam dengan ketibaan Pasukan Tindak Balas Kecemasan atau *Emergency Response Team* (ERT), diikuti taklimat ringkas kepada ERT dan Jawatankuasa Perwakilan Kolej (JPK). Program turut melibatkan kehadiran pihak Jabatan Bomba dan Penyelamat Malaysia (JBPM) bagi memantau serta membimbing pelaksanaan latihan keselamatan kebakaran.

Pada jam 10.50 malam, simulasi kebakaran telah dijalankan melalui gimik asap sebelum penggera kebakaran diaktifkan pada jam 11.00 malam. Seterusnya, panggilan kecemasan dibuat kepada Balai Bomba dan arahan pengosongan bangunan diumumkan kepada semua penghuni. Proses pengosongan bangunan dilaksanakan dalam tempoh sasaran kurang daripada lima minit. Semua penghuni diarahkan berkumpul di tempat berkumpul yang telah ditetapkan, iaitu di padang futsal. Sepanjang proses tersebut, pihak ERT dan JPK turut mengawal laluan kecemasan, memastikan disiplin penghuni, merekod kehadiran serta mengenal pasti penghuni yang lewat tiba di kawasan berkumpul.

Latihan turut disusuli dengan rondaan bangunan atau *fire sweep* bagi memastikan tiada penghuni yang masih berada di dalam bangunan. Dalam simulasi tersebut, laporan turut dibuat kepada Pegawai Bomba berkaitan jumlah penghuni serta situasi mangsa yang terperangkap dan diselamatkan oleh pasukan ERT. Pihak JBPM kemudian melaksanakan operasi menyelamatkan dan pemadaman, diikuti taklimat keselamatan kebakaran serta demonstrasi penggunaan alat pemadam api. Program berakhir dengan sesi post mortem bagi menilai keberkesanan latihan yang telah dijalankan.

Secara keseluruhan, program latihan kebakaran ini berjaya memberi pendedahan praktikal kepada penghuni dan petugas berkaitan prosedur keselamatan, tindakan kecemasan serta kepentingan pematuhan arahan semasa berlaku kebakaran. Kerjasama antara KP Mukah Development Sdn. Bhd., UiTM Mukah, ERT, JPK dan JBPM dilihat mampu memperkukuh budaya keselamatan dalam kalangan warga kampus.



Taklimat keselamatan kebakaran.



Demonstrasi penggunaan alat pemadam api

Published by:

Corporate Communication Unit, UiTM Mukah Campus

eISSN : 2976-257X

Published Date : 7 July 2026



Telephone/Fax

084-876100/084-876300



Email Address

korporat_swk@uitm.edu.my



Website

<https://sarawak.uitm.edu.my/>



Address

**Universiti Teknologi MARA (UiTM)
Cawangan Sarawak Kampus Mukah,
KM 7.5 Jalan Oya,
96400 Mukah, Sarawak.**

